



**JUDICIAL SYSTEM MONITORING PROGRAMME**  
**PROGRAMA DE MONITORIZAÇÃO DO SISTEMA JUDICIAL**

***Komunikado Imprensa***

**Periodu : Juñu 2010**

**Pubikasaun : 24 Juñu 2010**

**JSMP Halo Desminasaun Informasaun ba Estudantes 136 iha Distrito  
Oe-Cusse**

Judicial System Monitoring Programme (JSMP), liu husi nia sub unidade Programa Observasaun Parlamentu (POP) hamutuk ho Unidade Peskiza Juridika (LRU) iha loron 15 to 16 Juñu 2010, hala'o desiminasau informasaun ba prosesu lejislasau atividade Parlamentu Nasional iha eskola Sekundaria N0. 2 Baqui, Sub Distrito Pante Makassar no eskola Pre-Sekundaria Baoknana, Sub Distrito Nitibe, Distrito Oe-Cusse. Aleinde halo divulgasaun informasaun informasaun ba atividade parlamentariu nia ba estudantes sira no comunidade, JSMP mos halo distribuisau ba JSMP nia komunikadu imprensa, atualizasaun justisa no publikasaun sira sira seluk.

Objetivu husi desiminasau informasaun ne'e atu aumenta tan estudantes pre-sekundaria no sekundaria sira nia koñesementu, ba prosesu halo lejislasau relasiona ho Parlamentu Nasional nia knar inklui socializa mos kona ba Lei Manifestasaun ba estudantes sira iha Distrito Oe-Cusse.

Luis de Oliveira Sampaio, Diretor JSMP, haktuir katak importante tebes atu JSMP bele fahe no divulga informasaun ne'ebè relasiona ho atividade instituisau estadu nian, liu-liu atividade parlamentu nian ba publiku. Prosesu ne'e nu'udar parte ida husi edukasaun sívika ba povu liu husi estudantes sira.

Tanbá konsidera importansia husi nesesidade informasaun ba públiku enkoraja JSMP liu husi POP no LRU atu fahe informasaun ba distrito atu nune'e estudantes sira mos bele hatene saida mak Parlamentu Nasional nia knar ka servisu lor-loron nian no socializa lei balu ne'ebè sei afeta sira nia vida sidadania nian.

JSMP sente hasolok tebes tanba responsavel eskola pre-sekundaria Baoknana no Sekundaria N0 2 Baqui sira bele disponivel atu fasilita estudantes hamutuk 136 hodi rona no fo sira nia hanoin iha prosesu fahe informasaun ne'e.

Tuir mai rekomendasaun balu ne'ebè mak estudante sira foti iha prosesu fahe informasaun ne'e mak hanesan;

- Husu ba deputadus sira atu kumpri oras servisu.
- Husu ba deputadus sira atu ativu iha prosesu halo lejislasaun no halo fiskalizaun to'o iha baze
- Husu ba deputadus sira atu konsulta lei balu ne'ebè nesesariu no afeta povu nia moris no halo sosializaun depois lei ne'e aprova no promulga husi Prezidente da República.

Aproveita oportunidade husi disiminasan informasaun ne'e, estudante sira mós husu ba JSMP atu hato'o sira nia problema ba deputadu sira atu bele halo fiskalizaun to'o iha baze hodi hare sira nia kondisaun fasilidade eskola ne'ebè sei menus, hanesan sintina ka *Casa de banho* laiha tanbá la-iha be'e mos, kondisaun fíziku eskola sei didin ho piku, kadeira ho meza sei menus, la-iha fasilidade ba prátika hanesan laboratoium, biblioteka no sel-seluk tan.

Maski nune'é estudante sira mós konsiente katak, prosesu ba dezvoltimentu sei lori prosesu ne'ebé naruk maibé persiza fo hanoin nafatin atu Parlamentu Nasional no Governu konsidera no sei bele resolve. Aleinde ne'e estudante, sira mós iha dever atu kumpri prosesu aprendijazen tomak nu'udar responsabilidade jersaun foun Timor Leste nian iha futuru.

Atu hetan informasaun kle'an favor kontaktu:

Luis de Oliveira Sampaio

Diretór Ezeutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883